

## Kart nech daa bzej Páblona' na' bseleen lao Timotewa'

<sup>1</sup> Nad' Pablo, nak' postl che Jesucrístona' kwenche wi'a xtilleena', la' Chioza', beena' bisla cho' kwenche bi kwiayi'cho, len Cristo Jesús'a', beena' noncho lez gone' wen checho, bzoagake' nad'. <sup>2</sup> Chzej' li', Timoteo, nako' ka dowalj bi' cha' daa nakcho txen chonlilall'cho Jesucrístona'. Xacho Chioza' len Xancho Cristo Jesús'a' gaklenshgagake' li', na' yiyesh'lall'gakile' li', na' gongake' ka so' mbalaz.

<sup>3</sup> Kana' ba zoa shaa Macedóniana', wñabid' li' yigaano' Éfesona' kwenche yoo ben'ka' chli' chsedi daa bi nak dii li bi gongake' ka', <sup>4</sup> na' bi segake' wñeyi che dill' golka' wdiljlall' ben' na' che diika' ben dii xozxtoe'ka' daa bi chiyoll chido. La' dill'ka' chonan ka chakgued ben' na' bi chaklenan gombia'gake' daa cheeni Chioza' goncho daa nonlilall'chone'.

<sup>5</sup> Ye'gako'ne' ka' kwenche gaggake' yel' chaki ka daa chalj loo yichjlall'do' beena' ba bixi biyech na' bibi de chao chdian le' daa nezile' chone' ka chazlall' Chioza' na' nonlilalleene' do lallee. <sup>6</sup> Balgake' lwaa segake' wñeyi cheyi diiki, ba lenzgake' choe'gake' dill' cheyi diika' bi zakii. <sup>7</sup> Cheenzgakile' gaggake' ben' wli' wsemi ley che Chioza', per ni lekzgake' bi chajni'gakile' daa chli' chsedgakile' la'kzi nazgake' kayen'nan nakan.

<sup>8</sup> Nezicho ley che Chioza' nakan wen, shi wñinchon ka chiyali. <sup>9</sup> La' nezicho aga ben Chioza' leya' ni che ben'ka' chon wen, san ni che ben'ka' chyishj xtilleena' len ben'ka' bi chzenag, ben'ka' bi chall chlleb Chioza', ben' saaxyaka', ben'ka' chiyit xaxna'yin, yog' ben'ka' nak

wen xya, <sup>10</sup> ben'ka' chnelen xiin xool ben', ben'ka' nak ben' xej, ben'ka' chit' chde ben', ben'ka' chziye', ben'ka' ax̄t chzoagake' Chioza' de taschiw kat' chziye'gake', na' nottez ben' bi chone' daa na cho'a xtill' Chioza' <sup>11</sup> kon ka chzajni dill' wen dill' kob che'na' daa nak dii zakii nleb. Na' Chioza', beena' chido! we'la'ocho, ba bene'n lall' na' wi'an dill'.

<sup>12</sup> Cho'a Xancho Cristo Jesúza' yel' choxken chone' nad' wal, na' nxenlallee nad' wak gon xshine'na', na' bzoe' nad' gona'n. <sup>13</sup> La'kzi biya dii ben wnia' che', na' bchi' bsakaa ben'ka' benlilall'gake'ne' na' bshagdil' legake', Chioza' biyesh'lallile' nad' daa bi wnezid' bin chon' kana' bin' shajli'a che Jesúza'. <sup>14</sup> Na' dii xen goklene' nad', bene' ka chonlilall'chee na' bene' nad' yel' chakina' daa nak' txen Cristo Jesúza'.

<sup>15</sup> Dillii nakan dii wxenlall'cho, na' yog'lo! ben' chiya! shajli'en: Cristo Jesúza' bide' yell-lioni kwenche yisle' ben' saaxyaka', na' nad'yen' goklikz' ben' saaxya wal. <sup>16</sup> Per Chioza' biyesh'lallile' nad' kwenche wli' Jesucrístona' do ka nak yel' chxenlall' xen che'na' na' ile'i ben'ka' zi' shajle' che' na' gapgake' yel' mban zejli kani. <sup>17</sup> Toshiizi shajla'oshga beena' chnabia' zejli kani, beena' biga llia te che', beena' zoakz la'kzi bi chle'ichone', na' sho'shgue' balaan. Zeelo len' nake' Chios. Kan' gakshgan.

<sup>18</sup> Timoteo, xiindawaa, nia' li' chiya! gono' ka wdixje'i ben'ka' li' daa goll Chioza' legake' cho' dii nechte, kwenche daa wngake' cho' gaklenan li' gono' ga zeelo yizoilo' gono' xshin Chioza' daa nak lall' no'. <sup>19</sup> Toshiizi so' gonlilalloo Jesucrístona' na' tlizi gono' wen kwenche bibi gao idian li' daa nezilo' chono' ka chazlallee. La' bal ben' dii shao'tekzə chongake' daa bi chiya! gongake' na' bich chonlilall'gake'ne'. <sup>20</sup> Ka gok che Himenewa' len Alejándrona', na' wñabid' Chioza' gakgake' lall' na'

Satanáza' kwenche wsedgake' bich bi gon inazgake' che Chioza'.

## 2

<sup>1</sup> Naa nia' li' daa lliarote gonle: chiya! we'llwill-le Chioza' na' inabilene' daa chyallj chchinile na' daa chyallj chchini ben' yoblə, na' gat'yoile'ne' gaklene' yog'lolte ben', na' we'lene' yel' choxken ka nak daa chone' che yog'lol ben' yell-lioni. <sup>2</sup> Chiya! inabicho Chioza' gaklene' ben' wñabia'ka' na' yog'lolte ben' nak joschis, kwenche soacho mbalaz na' kono wsej wllon we'la'ocho Chioza' na' goncho daa cheenile'. <sup>3</sup> La' dgan nakan wen na' chazlalli Chiozan', beena' bisla cho' kwenche bi kwiayi'cho, <sup>4</sup> na' cheenile' yog'lolte ben' yell-lioki yilagake' na' gombia'gake' daa nak dii li. <sup>5</sup> La' toz Chiozan' zoa, na' toz beena' chizoa ben' yell-lioni wen kon Chioza', len' Cristo Jesúza', <sup>6</sup> beena' bzani kwine' wite' kwenche wdixje' xtol' yog'lol ben' yell-lioni. Na' dga gokə, gokan llana' bllia Chioza' bia', na' bli'e cheenile' yisle' cho'. <sup>7</sup> Na' kwenche inezi yog' ben' dga, bzoe' nad' nak' postl che' na' bene' lall' na' chyixji'a xtilleena'. Na' bene' lall' na' wli' wsedid' ben'ka' bi nak ben' Israel, kwenche shajle'gake' dill' li che'na'. Na' dga cho'a dill' nakan dii li, na' bi chziyaa.

<sup>8</sup> Cheenid' yog'lol ben' byoka' we'llwillgake' Chioza' gattezə zoagake', na' chiya! gakgake' ben' lall'do' nxi nyech, ben' bi yoo daa nak yel' chllaa yel' chlok na' yel' wishagdil kat' wlis neeka' lawe'na' we'llwillgake'ne'. <sup>9</sup> Na' ka nak noolka', chiya! wsak'gake' gakw xagake', na' bi tezgake' lawin yiyiljall'gake' naklə yipaa yichje'ka', ni bi wchingake' no or wa lech' zakii inleeb. <sup>10</sup> San gonləgake' to dii byen seyi chegake' chongake' wen lega ben' choe'la'o Chios. <sup>11</sup> Chiya! kwe' noolka' llizə wzenaggake'

che ben'ka' chli' chsedi cho'a xtill' Chioza' na' wzoa-gake' xtilleeka'. <sup>12</sup> Bi cho'a latj wli' wsedzi noolka' ben' byoka', ni bi inabia'zgake' legake', san chiya|' kwe'gake' llizə wzenaggake'. <sup>13</sup> La' Chioza' bene' zigaate Adánna', na'techlə bene' Évana'. <sup>14</sup> Na' aga Adánnan' wxiye' dii xi-waa, san noolan' wxiye'n na' bxope' lao saaxyana'. <sup>15</sup> Na' noolka' chzoa xiin, bi tegake' lao yel' zi'na' shi toshiizi nxenilall'gake' Chioza', na' segake' wneyi gaggakile' ben', na' soagake' gongake' ka cheeni Chioza' lega ben' nyeen nyeenyi.

### 3

<sup>1</sup> Dillii nakan dii wxenlall'cho: shi no cheeni koo lall' nee gap wwie' ben'ka' nonlilall' Crístona' na' wli' wsedile' legake', llin wen inlleban llialallee gone'. <sup>2</sup> To ben' ngoo loo nee chli' chsedile' ben', chiya|' gake' ben' zoa do yichj do lallee, ben' bibi cho'a xtillee de. Chiya|' soa toz xoole', na' gake' ben' nsa' cheyin wen, na' gake' ben' nyeen nyeenyi, na' ben' chidolee gap ben' le' balaan. Na' chiya|' yiyeshile ben' wi'e ga yigaane', na' gakte wli' wsedile' ben'. <sup>3</sup> Bi chiya|' gake' ben' weezo, ni bi gake' ben' wishagdil, ni bi selall'chgaile' mech, san gake' ben' wen, ben' gaxjlall'. <sup>4</sup> Chiya|' gak kwee xnez xlatji dii chak loo yoo lille', na' gone' byen wzenag xiine'ka' che' na' soagakb' gongakb' daa nak wen. <sup>5</sup> La' shi to ben' bi chak kwee xnez xlatji dii chak loo yoo lille', ¿nakra gone' kwee xnezi che ben'ka' nxenilall' Chioza'? <sup>6</sup> To ben' shinza wzolo chonlilallee Crístona' bi chiya|' gak lall' nee gap wwie' ben'ka' nonlilall' Crístona', kwenche ki gakze' ben' chep cha'lall' na' wchoglo Chioza' che' ka ba nchogloe' che dii xiwaa. <sup>7</sup> Lekzka' chiya|' seyi che' chone' wen lao ben'ka' bi nonlilall' Crístona' kwenche kono biz gon ina che' na' gonza dii xiwaa gan wchixan le'.

<sup>8</sup> Lēkzka' bēn'ka' gāk lo na'gake' gākłengake' wwiagake' bin chyallj chčhini bēn'ka' nakgake' txen nonlill'gake' Crístona', chiyal' gākake' bēn' chidoł' gap bēn' legake' balaan, bēn' chda do lallee, na' bi sollgakile', ni bi gākz-gake' bēn' wzelall'. <sup>9</sup> Chiyal' soačhečgake' shajle'gake' dii ǎi daa ba bzajni Chioza' cho' daa kono wnezi kana'. Na' chiyal' soagake' do yichj do lall'gake' na' bibi de gao idian yichjlall'do'eka' daa nezgakile' chongake' ka cheeni Chioza'. <sup>10</sup> Na' lēkzka' kat' kwejle bēn'ki, chiyal' wwiayen'le nak nsa' čegake'. Na' shi bibi de dii chao xya čegake', wak gāk lo na'gake' wwiagake' bin chyallj chčhini bēn'ka' nakgake' txen nonlill'gake' Crístona'. <sup>11</sup> Na' noolka' lēkzka' chiyal' gākake' bēn' chidoł' gap bēn' legake' balaan, na' bi gākake' bēn' wıchıtj dill', san gākake' bēn' nsa' čeyin wen, na' gākake' bēn' gāk wxenlall'cho toshiizi gongake' wen. <sup>12</sup> To bēn' gāk lo nee wwie' bin chyallj chčhini bēn'ka' nake' txen nonlill'gake' Crístona' chiyal' soa toz xoolē', na' chiyal' gap wwie' xiine'ka' kwenče gongakb' wen, na' kwe' xnez xlatji dii chak loo yoo lille'. <sup>13</sup> Bēn'ka' chak chgoogake' xnezi čhe diika' chyallj chčhini bēn'ka' nakgake' txen nonlill'gake' Crístona' chidoł'gake' to balaan, na' soachgagake' mbalaz daa nonlilall'gake' Cristo Jesúza'.

<sup>14</sup> La'kzi ba non' lez yobzə yidwıa' li', chzej' dga  
<sup>15</sup> kwenče shi bi chyobzıd' yıd', na' ba nezılo' nakan chiyal' soa bēn'ka' nak xiın Chioza', la' cho' chdop chllag-cho choe'la'ochone' nakcho xiın Chios yaa Chios banna'. Na' nak lo na'cho goncho ka gombıa' bēn' dill' ǎi čhe'na'.  
<sup>16</sup> Dii ǎi dga chzajniın cho' čhe Crístona' daa kono wnezi nakan dii zakii nleeb, na' nan:  
 Bıde' golje' ka cho' bēn' yell-lio,  
 na' Espırıtıu čhe Chioza' bli'e nan nake' bēn' ǎi bēn' shao'.  
 Na' ble'i anjlka' le',

na' wda ben' be'gake' cho'a xtilleena' lao ben' yell-lioki,  
na' benlilall'gake'ne'.

Na' biyepe' yabana' gana' yo'e to balaan xen.

#### 4

<sup>1</sup> Espiritu che Chioza' cho'e dill' kwasloł, ne' kat' ba zoa te che yell-lioni, bał ben'ka' ba nonlilall'gake' Crístona' bich gonlilall'gake'ne', na' wzenaggake' che dii xiw'ka' na' diika' chli' chsedi ben' chegakin. <sup>2</sup> Na' wzenaggake' che ben' wxiye'ka', ben'ka' bichbi chao chdian legake' daa ba nłantekzgage' yeł' wxiye'na'. <sup>3</sup> Na' chllongake' wshagna' ben', na' chllontegake' yeej gaogake' bał yeł' wao la'kzi Chioza' wlo'e yeł' waoka' kwenche cho' nonli'lall'chone' na' nombia'cho dill' li che'na' gaochon na' we'chone' yeł' choxken. <sup>4</sup> La' yog'loł daa bxe bsil Chioza' nakan wen, na' bibi de dii inacho bi gak gaochon kon shi we'chone' yeł' choxken kat' yeej gaochon. <sup>5</sup> La' daa chajle'cho cho'a xtill' Chioza' na' daa choe'łwillchone', chonleeye' yeł' wao chechona'.

<sup>6</sup> Shi dga wli' wsedilo' bish' ljwellchoka', na' gako' to wen llin wen che Jesucrístona', na' tolla' ba nono' cho'a xtill' Chioza' loo yichjlall'do'na' len dii wenna' daa bsedo' na' zej chono'n. <sup>7</sup> Na' bi wzenago' bizə dill' gol dii chsees' ben', diika' wdiljlall'gake' daa bi nak ka dii shajle'cho, san bsed gono' ka cheeni Chioza'. <sup>8</sup> Nezicho kat' chchitj ni'a na'choki chaklenan kwerp chechoni. Per daa choncho ka cheeni Chioza', dii xentechlə chaklenan cho' naa zoacho yell-lioni na' lekzka' kat' illin lla lljazoalenchone'. <sup>9</sup> Dillii nakan dii wxenlall'cho, na' yog' ben' chiyał' shajli'en. <sup>10</sup> Na' ni cheyinnan' chonnto' to dii byen chilalinto' chonnto' xshin Chioza' daa ba nonnto' lez Chios yaa Chios banna', beena' cheeni yisle' yog'loł ben', na' ben'ka' chonlilall'yeñ' len' yisle'.

<sup>11</sup> Diikin chiyal' yoo ben' gongake' na' wli' wsedilo' legake'. <sup>12</sup> Bi weezo' latj no ile'zi li' nakzi daa nako' bi' wew', san ben wen lao ben'ka' nonli'lall' Crístona', ka de cho'a dill', na' yel' nsa' cheyin wen, na' yel' chaki ben', na' yel' nonlilallii Crístona', ni bibi dii mal sa'lalloo, kwenche lengake' gongake' ka'. <sup>13</sup> Shlak yid', ben ka dii le blab Cho'a Xtill' Chioza' lao ben'ka' chdop chllag, bli' bsedgakile', na' btip lall'gake'. <sup>14</sup> Bi guetlalloo daa ben Chioza' lall' no' kana' ben'ka' ngoo lall' na'gake' ben'ka' nonlilall' Crístona' bxoaa neeka' yichjo'na' bengake' li' lall' na' Chioza', na' bchej beena' wdixjee nan Chioza' ba wleje' li' gono' xshine'na'.

<sup>15</sup> Ben to dii byen ben diiki wloo Chioza' lo no' gono', na' benyenaan kwasloł kwenche gakbe'i yog'loł ben' ba zejch chono' wen. <sup>16</sup> Wze wneyi che kwino' na' cheyi daa chli' chsedilo' ben', na' toshiizi wno'n. Na' shi gono' ka nan, na' yisla kwino' len ben'ka' chzenaggake' daa chli' chsedilo'.

## 5

<sup>1</sup> Bi inezo' zibia' ben' golka', san be'lengake' dill' xochi ka ben' chshaljlen xayin. Na' goni ben' bishoo ben' xkwid'ka'. <sup>2</sup> Na' goni xnoo noolka' ba ngolch ka li', na' goni ben' zano' nool xkwid'ka', na' bibi dii mal sa'lalloo.

<sup>3</sup> Goklen nool wizebka', ben'ka' kono zoa chegake'. <sup>4</sup> Per shi zoa xiin xsoagake', chonan byen inezgakib' chiyal' gap wwiagakb' le', la' len' bisgole' legakb'. La' kan' chazlall' Chioza' goncho. <sup>5</sup> Nool wizeba', beena' kono zoakz cheyin, beena' bgaan tlish' tyaj, chxenilallee Chioza' na' ka tella ka wal' choe'lwille'ne' na' chat'yoile'ne' gaklene'ne'. <sup>6</sup> Per nool wizeba', beena' choe' cho'a xbayi beli chen che'na', nake' ka ben' net lao Chioza' la'kzi mbane'. <sup>7</sup> Bzajni'gakile' dga kwenche bibi gon inaz ben' chegake'. <sup>8</sup> La' beena' bibi wneyi ze che no dialla che' na' che ben'ka' nakyenee txen

loo yoo lille'na', ba wlej yichje' daa nak che Chios, shi ka' chone', na' ba nxinjtechlə yichjlall'do'ena' aga ka beena' bin' shajle' che Chioza'.

<sup>9</sup> Lee yisha' gana' da' le nool wizebka' chiyal' ta' le ben'ka' ba wdeli guiyon yiz, ben'ka' ben banez kochno bikaagake'. <sup>10</sup> Chiyal' seyi chegake' chongake' wen: daa gok bisgol xiine'ka', daa chiyesh'lall'gakile' ben'choe'gake' ga yigaangake', daa chongake' bittez dii gaklennan ben'ka' nonlilall' Chioza', axt chyibgake' ni'eka', na' daa chaklengake' ben'ka' chzak'zi', na' daa chongake' ka dii le chongake' yog' daa nak wen.

<sup>11</sup> Na' bi wdoole nool wizebka' lee yisha' shi bin' gaggakile' guiyon yiz. La' zoa kat' we'gake' cho'a xbayi beli chen che'ka' na' yikaa chegake' na' bich gongake' kwasloj xshin Crístona', <sup>12</sup> na' gapgake' dol' lao Chioza' daa bi saggakile' gongake' ka ba bchebgake'. <sup>13</sup> Na' leyi chiyakgake' noolə lia na' chdagake' to to yoo. Na' aga toz daa, san lekzka' chchitjgake' dill', na' chjalaalli chegake' dii chak che ben' yoblə, na' choe'gake' dill' dii bi chiyal' we'gake'. <sup>14</sup> Daan nool wizebka' ni zoa xlatjin, cheenid' yikaa chegake' na' yizoa xiingake', na' koogake' xnezi dii chak loo yoo lillgake', kwenche bi wxa'gake' cho'alao ben'ka' bi chonlilall' Chioza'. <sup>15</sup> La' bal' nool wizebka' ba bichejgake' lo xnez Chioza' na' ba zjanogake' Satanáza'lə.

<sup>16</sup> Shi to ben' nonlilall' Chioza' zoa to dialla che' nool wizeb, chiyal' gaklene'ne' kwenche bi gake' to dii zii dii zshab che ben'ka' nonlilall' Crístona', na' gak we'gake' daa chyallj chchini nool wizebka' kono zoa chegake'.

<sup>17</sup> Ka nak ben'ka' ngoo lall' na'gake' ben'ka' nonlilall' Crístona', na' chak chgoogake' xnezin wen, chidol'gake' balaan xen. Na' ben'ka' noni xshingake' choe'gake' cho'a xtill' Chioza' na' chli' chsedgakile', balaan xentechlə chidol'gake'. <sup>18</sup> La' Cho'a Xtill' Chioza' nan: “Ka nak



goona' bana' chilali chlej chshoshjb trígona' kwenche ichej xayinna', bi wllinle yixja' cho'aba' kwenche gak koyob to chop cho'a." Na' lekzka' nan: "Beena' chon llinna' chidolee ikaa laxje'."

<sup>19</sup> Shi no chao xya che to ben' ngoo lall' na' ben'ka' nonlilall' Crístona', bi wzenago'n shi bi zoa chop shon ben' yizi' cho'agake'n. <sup>20</sup> Na' shi ga zoa ben'ka' bi chsankz-gake' dii mala', chiyal' wsheshleno' legake' kat' ndop nllagle kwenche yog'lol ben'ka' nakle txen illebgake' na' bi gongake' ka'. <sup>21</sup> Chat'yoid' li' lao Chioza', na' lao Jesucrístona' na' lao anjl che'ka', toshiizi gono' diiki ba wnia'. Na' toz ka gonilo' yog'lol ben', aga balze' gakilo'. <sup>22</sup> Bi wxoazə noona' yichj beena' cheeni gon xshin Chioza' shi bi nezilo' nak nsa' che', kwenche ki gako'ne' txen shi chone' dii mala'. Wdapshii kwino' kwenche ki ta' icheno' dii mala'.

<sup>23</sup> Daa chak li'ona' na' daa zekizezi bi shawoo, bich yeejteko' toz nisa', san weej lat'do' wej vinona'.

<sup>24</sup> Bal dii malka' chon ben' chli'lawin ka zi' gaolə ben' xya chegake'. Na' zi balan, zi' chila' chinezli bənaan. <sup>25</sup> Na' ka'kzə, dii wenna' daa chon ben' nla'xejgakan, na' la'kzi de dii wenna' daa ngash', wllin lla wli'lawin.

## 6

<sup>1</sup> Yog'lol ben'ka' ndoo lla yel chongake' xshin ben' na' ba chonlilall'gake' Crístona', chiyal' sho' yichjgake' gapgake' xane'ka' balaan kwenche bibi gon inaz ben' che Chioza' na' cheyi daa chli' chsedicho. <sup>2</sup> Na' shi xane'ka' nonlill'gake' Crístona', la'kzi ba nakgake' ben' bish'gake' daa chonlilall'gake' Crístona', chiyal'kz gapgake' legake' balaan, na' chiyal' gonchləgake' xshine'ka' do yichj do lall'gake' daa chakgakile' legake' na' nezkakile' ben'ka' si'

banez xshine'ka' nakgake' ben' nonlilall' Crístona'. Dgan chiyal' wli' wsedilo' legake' na' ye'gako'ne' gongake'n.

<sup>3</sup> Shi no chli' chsedi dii nak nlla'lə na' bi chidilin daa bli' bsemi Xancho Jesucristona', na' bi chidiltein daa chsedi cho' goncho ka cheeni Chioza', <sup>4</sup> beena' chon ka' nake' ben' chep cha'lall', ben' bibi nezi. Na' daa le chibaile' gakdil-lene' ben', chxie' daa nak yel' xe', yel' wishagdil, yel' chbell chne che ben', na' yel' chza'lall' mal che ben'. <sup>5</sup> Na' biga yiyoll yido gakdil-lene' ben' daa ba nxinj yichlall'do'ena', na' bi nombi'e daa nak dii li. Na' chakile' daa chonze' ka chli' chsedi che Chioza' gatile' mech xen. <sup>6</sup> Dii li, le mbalaz soacho shi goncho ka cheeni Chioza' na' goncho banez ka'k' to dii de checho. <sup>7</sup> La' to ka cha'zchon goljcho yell-lioni, na' to ka cha'zchon yiza'cho. <sup>8</sup> Shi de dii cheej chaocho na' de xalaancho, chiyal' goncho banez. <sup>9</sup> Na' ben'ka' cheeni gak ben' wni'a, chxopgake' lawi daa nak yel' wzelall' na' llialall'gake' biya dii bi yejni'alallii daa chxinj chlenan legake', na' chtakw chchejan legake' na' chbiayi'lengake'n. <sup>10</sup> Lo yel' wzelall' mecha' chalj chxe biya dii bi yejni'alallii. Ba ben', yel' wzelall' che'ka', ba bilaagake' lo xnez Chioza' na' ba chile'gakile' zan yel' zi'.

<sup>11</sup> Per li' chono' xshin Chioza', biga gono' ka chon ben'ka', san ben daa nak dii licha, ben ka cheeni Chioza', wzoatezi wzoa benlilallee, wdap yel' chaki, gok wal lao yog'lol dii idil illago', na' gok ben' gaxjlall'. <sup>12</sup> Btiplaloo na' ben to dii byen gono' daa cheeni Chioza', beena' nonlilaloo. Na' be'l-lall' beni cho' daa nak yel' mban zejli kani. La' ni cheyinnan' gox wñab Chioza' li' na' bi'o dill' lao ben' zan nan nonlilaloo Crístona'. <sup>13</sup> Na' naa, lao Chioza', beena' choe' yel' mban che yog'te dii de yell-lioni, na' lao Jesucristona', beena' be' dill' kon ka nakan lao Poncio Pilátona', chon' byen <sup>14</sup> wzo' dill' dga nia' li', na' seyi cho' chono' wen na' bibi dii mal ta' icheno' axt ni ka

yila' Xancho Jesucristona'. <sup>15</sup> La' wllin lla yiyede' ka blia Chioza' bia', Chios, beena' chido' we'la'ocho, beena' zeelo chnabia'. Zeelo len' nake' Xan yog'lol ben', na' chnabi'e lao yog'lol ben'. <sup>16</sup> Toze' len' biga llia te che', na' zoe' lo beeni' xen wala' daa kono chzoi wwia. Ni tlish' benech bin' ile'ile'ne' ni bi gak ile'gakile'ne'. Len' chido'ee sho'e balaan zejli kan' na' biga llia te yel' wnabia' che'na'. Kan' nakan.

<sup>17</sup> Ben'ka' chle'i yel' wni'ana' yell-lioni, gollgake' bi gak-gake' ben' cha'siba, ni bi gongake' lez yel' wni'a che'ka'. La' yel' wni'ana' bi nakan lez. San chiyal' gongake' lez Chios yaa Chios banna'. Len' chone' zoayaa zoallin yog'lol daa chyallj chchinicho kwenche si'chon banez. <sup>18</sup> Gollgake' gongake' wen, na' koo yichjgake' wzanch-gake' dii wenka' chongake', na' segake' wneyi izangakile' we'gake' ben' dii de chegake'. <sup>19</sup> Na' daa gongake' ka', na'chan saki gongake' lez daa zi' za', na' idol'gakile' yel' mban daa nak dowalj.

<sup>20</sup> Timoteo, wlooshosh yichjo' dga ba wnia' li'. Bi wzenago' dill'ka' bi yejni'alallii na' bibi zakaan, ni bi wzenago' xtill' ben'ka' chonzə ka nap yel' sin'. <sup>21</sup> Bal' ben' ba wyajle'gake' cho'a xtilleeka' na' ba bilaagake' lo xnez Chioza'.

Chioza' gaklenshgue' le' na' gone' ka gak wen chele.

## Dill' wen dill' Kob Che Jesucristona'

New Testament in Zapotec, Cajonos (MX:zad:Zapotec, Cajonos)

copyright © 2011 Wycliffe Bible Translators, Inc.

Language: Zapotec, Cajonos

Translation by: Wycliffe Bible Translators, Inc.

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Cajonos

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 14 Mar 2019 from source files dated 21  
Dec 2018  
f98bf0c8-4467-559d-82ab-96644a44d38f